

# **Disposiziuns da licenza per far diever da materialias digitalas e/u in access ad in server da la schulverlag plus SA**

## **1 Princip**

Cun acquistar quest med d'instrucziun obtegna il cumprader u la cumpradra ina licenza per far diever da materialias digitalas e/u in access ad in server da la Schulverlag plus SA. Cun avrir il sigil da la licenza accepta la concessiunaria resp. il concessiunari las cundiziuns da basa che vegnan preschentadas qua. Il dretg da restituziun che riguarda questa licenza scada. La concessiunaria u il concessiunari survegn – suenter avair avert in conto sin la pagina d'internet da la Schulverlag plus SA ed avair agiuntà questa licenza a l'agen conto – access a la purschida respectiva en l'internet da la Schulverlag plus SA. Uschia ha questa persuna il dretg d'utilisar tenor las suandantas cundiziuns materialias digitalas ch'ella ha telechargià d'in server da la Schulverlag plus SA. Las materialias e la software restan en il possess da la Schulverlag plus SA (concedenta da licenza). La concessiunaria u il concessiunari èn perencletgs che la concedenta da licenza registrescha il num d'utilisader e l'adressa dad e-mail per l'atgna documentaziun. La concedenta da licenza conferma che las datas registradas na vegnan betg dadas vinavant a terzs.

## **2 Dretg d'utilisaziun**

### **2.1. Telechargiar materialias ed applicaziuns digitalas**

La concessiunaria u il concessiunari acquista cun la cumpra dal med d'instrucziun il dretg da telechargiar a temp limità u nunlimità via il center da telechargiar da la Schulverlag plus SA tut las materialias e las applicaziuns che vegnan offeridas per il numer da licenza sco er il dretg da las utilisar sin ses computer u sin auters apparats electronics. Il dretg d'utilisaziun cumpiglia exclusivamain il diever e/u l'elavuraziun da las datas per intents da scolaziun. La concessiunaria u il concessiunari na dastga betg dar vinavant, emprestar, dar a fit a terzs u trair a niz commercialmain en in'otra maniera las materialias u parts da quellas. Igl è scumandà explicitamain da dar vinavant il numer da licenza a terzs.

### **2.2 Purschida online**

La concessiunaria u il concessiunari acquista cun la licenza l'access a temp limità ad in server da la Schulverlag plus SA ed il dretg d'utilisar online tut ils programs d'instrucziun che vegnan offerids per il numer da licenza. Ins po utilisar la purschida en scola sco er ordaifer la scola. La concessiunaria u il concessiunari na dastga betg utilisar la purschida online (u parts da quella) per crear atgnas materialias u la trair a niz commercialmain en in'otra maniera senza il consentiment da la concedenta da licenza. Igl è scumandà explicitamain da dar vinavant il numer da licenza a terzs.

## **3 Responsabladad**

La concessiunaria u il concessiunari prenda enconuschientscha dal fatg che las materialias u la software vegnan duvradas unicamain sin agen ristg. La concedenta da licenza refusa explicitamain tut la responsabladad per eventuels donns sco era per donns consecutivs da tut gener.

## **4 Violaziun da las disposiziuns da licenza e dretgira cumpetenta**

Cun utilisar il numer da licenza da la concedenta da licenza accepta la concessiunaria u il concessiunari questas disposiziuns da licenza. Mintga utilisaziun illegala autorisescha la concedenta da licenza da retrair la licenza senza indemnisiun; pass legals restan resalvads. La dretgira cumpetenta per dispitas che resultan da questas disposiziuns da licenza è a Berna.

Berna, il fanadur 2011